




## Titiraqhimayaat Niruarniq Nunavunmi 2019

Ilitturutinik piomaguvit nallialiqaaq uqauhitgut  
hivayarlugit Niruarniq Nunavunmi-kut.

 867.645.4610


 Akiqaimaittuq 1.800.267.4394

 867.645.4657


 Akiqaimaittuq 1.800.269.1125


 [info@elections.nu.ca](mailto:info@elections.nu.ca)

 <http://www.elections.nu.ca>

 Titiqqauhivvik 39, Kangiqhiniq, NU X0C 0G0

 41 Sivulliq Ave. Kangiqhiniq

 Niruarniq Nunavunmi

 Niruarniq Nunavunmi



**Aktupa 14 - Ubluq 14**

- Angiqtaugumi Atanguyarmut Niruaqtuliyiyinut, hivulliq ublurngmit niruaqtiit niruaqtaqtut utiqittiyip aafisianit – 12-mit ublummaat 7-mut unnukpat nunaliup ublurhiutaagut.

**Aktupa 21 - Ubluq 7**

- Hangupkaqtitauyukkut niruarniq nunalingmit 9-mit 11:30-mut ublaamit nunaliup ublurhiutaagut. Vutiffaarniq 12-mit ublummaat 7-mut unnukpat.

**Aktupa 23 - Ubluq 5**

- Angiqtaugumi Atanguyarmut Niruaqtuliyiyinut, hivulliq ublurmit niruaqtiit niruarudjauniarumi naunaipkutarmut pilutik Nunavunmi Niruaqtuliyinik. Nalliutihimalutik maliguattiaqtukhauyunut.

**Aktupa 24 - Ubluq 4**

- Kingulliqpaaq ubluq niruaqtiit niruaqtaqtut utiqittiyip aafisianit - 12-mit ublummaat 7-mut unnukpat nunalingmit.

**Aktupa 28 – Niruarnap Ublunga**

- 3-mit umigvia (nunalingmit) tukhiqturniarluni niruarudjauniarumi naunaipkutarmut.
- Aallanut niruarutiit 5 pm-mit piyauhimalutik kitittiffaqtaulimaittut kinguagut piyaugumik.

**Kinguanit Niruaqtittinirmut Ublunut Tatqiqhiuti**

Ikpingnaqtut ubluit - Hulirittaqqat ublurnit

**Nuvampa 7 - Ubluq 10**

- Kingulliq ubluq Niruagakhait piirlugit niruaqtaunahuarnirmut tuhaqtittidjutiingit. 60 ubluit kinguagut Niruarnaup Ublunganit Niruagakhauyut adjikutaanginnik niruaqtit atiinik ungavailugit pihimayainit uvvaluunniit Nunavunmi Niruaqtuliyinut utiqitlugit.

**Niruagakhaq**

Niruagakhaq inunguyuuq uqariiyautinga niruagakhaugami angiqtauhimagami malighugit maligait *Nunavunmi Niruarniq Maligaryuaq-mit*. Niruagakhauyuuq inuk Miiyanngurumagumi uvvaluunniit Haamatkunnut Katimayingurumagumi, kivgaqturlugit inuit nunalinganit.

Inuk niruagakhauttaqtuuq Miiyamut uvvaluunniit Haamatkunnut Katimayi, tamainnut niruagakhaulimaittuq.

## **Kinaliqqaaq Niruagaqtauyumayuq**

Niruagakhauttaqtutit imaitkuvit:

- ✓ Niruarniq ajunnginnavut Niruarnap Ublunganit.
- ✓ Niruarnirmut ungavaqtauhimalaitkuvit.

Niruaqtaqtutit imaitkuvit:

- ✓ Kanatamiutaq.
- ✓ 18-nik ukiuqaruvit ungataaniluunnit Niruarnap Ublunganit.
- ✓ Nunavunmiutaq atauhirmik ukiungani Niruarvikhaq Ublungani.
- ✓ Nunalingmiutaq.

Nirualaitutit piguvit:

- ✓ Apiqhuqhiqtukhauyutit titiraqhimagumilu kangiqhinngitatit qanurilinganigut —qanuq ihumaliurungnaiqtutit ilingnut. UVVALUUNIIT
- ✓ Hiqumitatit maligaunmi malikhugu hamna pilrayaqtunut maligautingit uvaniitkuvilluuniit inungnit ihumanut aanniarutiqarniqqat. UVVALUUNIIT
- ✓ Hiqumitkuvit niruaqtuliqinikkut maligaq humiliqaak Kanatami iluani tallimanik ukiungagut pilrayaqhimavlutitauq.

Niruagakhautitaulimaitkuvit unalu niruaqtaulutit, niruaqtittiniq atuqtaulimaittuq.

Niruagakhaq atiliulimaittuq imaittunik, niruaqtauguvit, aimailuni:

- Nutqaqtitaulutit Haamatkunnut katimayiuvvingnit inup apirilunitit, uvvaluunniit
- Nutqautilugu Haamatkunnut katimayiuvvigiyait ubluliqhimalaitpat titiqqaq, uvvaluunniit
- Ihumaqhurniqalaittumik Haamatkunnut katimayiulutit.

Havaktittiit, unaliqqaaq Nunavunmi Kavamatkut, maligaqtaqtut uvvaluunniit atuagani qanurliqqaaq havaktingit ilaulutik niruaqtauhimayut havangninginnit unalu niruaqtaunahuarnirmut. Havayarlugit havaktiit hunaliqqaat maligangit uvvaluunniit atuagangit ilvit maliktakhangnit niruaqtaunahuarlutit.

## **Kinaliqqaaq Niruaqtaulimaitpa**

Niruaqtailimaittutit imaitkuvit, ublurmit uqariiyautit niruagakhaugavit tunigangni imaingagavit:

- ✓ Havaktiugavit Nunavunmi Niruaqtuliyiyinut;
- ✓ Katimayiugavit Kanataup Maligaliurviani, Sanatunit, uvvaluunniit maligaliurvingmit ahiinik ukiuqtaqtumit uvvaluunniit Kanatap nunainnik;
- ✓ Apiqhuyi, ilaulimauttuq inungnut apirhuivvik;
- ✓ Malinnginnavut maniliqinirmut unipkaarlutit Maligaliutimut niruarnirmut ukiut 5 iluanit;
- ✓ Maliguarmit angiqatigiigummit malinnginnavut kingulliq niruarnamit (ilauyut Maligaliuqtinut niruaqtittiniit);

- ✓ Patqiyaugumik niruarnirmut pilrayaummut naniliqqaaq Kanatamit hivuanit ukiut tallimat;
- ✓ Akiliqhimalainmagit tamainnut haamatkunnit taaksiiyautit hivuagut Tisampa 31 ukiurmit akiligakhanngurami;
- ✓ Ingmik akiligakhaqarumi haamatkunnut \$500-nik amihuuniqhailluunniit 90 ubluit amihuuniqhanut, uvvaluunniit aulapkainiqarumi kampanimik akiligakhaqhuntik haamatkunnut \$500-nik amihuuniqhailluunniit 90 ubluit amihuuniqhanut;
- ✓ Niruagakhaulimaittuq ihumangagut ihuinniq pidjutigiblug;
- ✓ Itiqtauhimagami itiqtauhimavvingmut;
- ✓ Maninginnik haamatkut kitittiugami naunaqhiyuunniit havaktimut haamatkunnut.

## **Naniliqqaaq niruagakhauttaqqa**

Niruagakhauttaqtutit kihimi nunalingmit nunaqaqhutit.

## **Niruaqtauyuuq ahiinik niruagakhaqalaitkami**

Niruaqtauyuuq ahiinik niruagakhaqalaitkami tukiqaqtuq ungvatquutiyunik 8-nik niruagakhaqtaqalainnami.

## **Niruagakhap ihumani ahianguqqag**

Niruagakhaq imaittaqtuq ahiangurlugu ihumani unalu niruagakahuyumalimaitkuni. Ahivarlugu atinga niruarutimit, titirvigilugu utiqtittiy, atiliurlugu, unalu tunilugu 5-mit kinguaguunngittuq nunalip tatqiqhiutaanit, 31 ubluit niruarnap ublua hivuagut. Malruungnik nunalingmit niruaqtinik ilummuuqtuqarluni atiliuqtukhauyut titigamit.

Niruagakhaq amuhigumi umigvianit unalu 8-nik amigqtunigluunniit niruagakhaqarluni, niruagakhait niruaqtuayut ahiinik niruagakhaqalaitkamik, ahiillu niruagakhait niruaqtaublutik ahiinik niruagakhaqalaitkami, niruaqtittiniq qanuringgittuq. Kihimi, niruarutinit ilaulimaittut atinga niruagakhaq amuhiyuuq.

Niruagakhaq amuhigumi kingaugut umigviup, atinga niruarutimiittaqtuq – aullaigumigluunniit utiqtittiyumut atiliuqhimayuuq titigamik.

## **Niruagakhaq tuqugumi**

Niruagakhaq tuqugumi kinguagut umigviup uqariiyautinut niruagakhaugami hivuagullu niruarviit umigviata Niruarnap Ublungamit:

- Nunalingmit niruaqtittiniq nutqaqtitauyuuq, unalu
- Nutaamik niruaqtittiniq pigiaqhuni nunalingmut.

Nunavunmi Niruaqtuliyitkut ungvatqait tamaita niruarutiit nutaaq niruaqtittiniq uqauhiukpat.

## Uqariiyauti Niruagakhaugami

Hivuanit niruaqtittinirnit, inuit titiriaqalauqtut tikkuaqhidjutinik niruagakhanngurniarumik. Maligait ahidjiqtut unalu inuit titiriaqaliqhutik uqariiyauti niruagakhaugamik.

Uqariiyauti niruagakhaugamik titirvikhaq uqaqhutit niruagakhauyumagavit.

Titirniarlugu uqariiyauti niruagakhaugami, ilittirutinik piyakhat:

- Niruagakhap tamaita atinga, titiqqarvikkut turaarutaa unalu aimavviata turaaruta, talafuunga, qaritauyakkut titiqqat, ahiillu havayagviugumi ilitturutiit.

Nunavunumi Niruaqtuliyiyitkut angirumiut uqariiyauti niruagakhaugami, niruagakhannguqtutit. Nunavunumi Niruaqtuliyiyitkut anginngikkumiut uqariiyauti niruagakhaugami, Niruagakhaulimaittutit.

## **Uqariiyauti Niruagakhaugami tunilugu**

*Nunavunmi Niruarniq Maligaryuaq*- tukiliuqhimattiaqtuq tunihiluni uqariiyauti niruagakhaugami.

- Titirlugu unalu nalaaguuqtut ilitturutiit: Titirlugit ilait titirviup. Utiqtittiyip anghimalaitanga tamaita titirvigilimaitkuviuk.
- Hivuagut umigviup tunilugu nutaanik ilittirutinik titiriaqaruvit.
- Ilummuurutiit unalu atiliurutiit: Niruagakhap atiliuqtakhariya uqariiyauti unalu ilummuurluni.
- Niruagakhap atinga:
  - Titirlugu atitit uqariiyaut niruagakhaugami aturlugu ilvit pitquyait niruarutimit.
  - Nunavunmi Niruaqtuliyiyitkut ikayuttiaqhutik atuquyai unalu mianiriyauluni Inuktitut. Ilanga atauhiq atirnit Inuktitut uqauhitkuurlugu nunalingnit atuqtauuyaq: Inuktitut titiqhimalugit tamaita nunalingnit ilaulimailluni Kugluktuk unalu Iqaluktuuttiaq (Ilanga.1(2) *Inuit Uqauhinganik Mianiqhinirmut Maligaryuaq*). Niruaqtittinirmut havaktiit ikayuruaqtaqtut titirlugu atitit nalliagluunniit uqauhiriyauyukkut.

**Uukturlugu:** titirungni atitit Inuktitut hivulliulugu unalu Qablunaatitut tugliulugu, uvvaluunniit Qablunaatitut hivulliulugu unalu Inuktitut tugliulugu, niruarutimit takukhauluni titiqhimayait.

## **Qakugu Tunilugu**

Tunilugu akunniani 35 ubluit hivuagut Niruarnaup Ubluanit – unalu 2-mit nunalip ubluqhiutaanit, 31 ubluit hivuanit Niruarnap Ubluanit. UTATQINNGILLUTIT umigvianut!

Uqariiyauti titiqhimalugu unalu ilitturutingit nalauttilutik ublurmit unalu ubluqhiutaa. Inuk tuhihigumi uqariiyautimik, kinaliqqaaq takuttaqtaa unalu ilittirutinik pittaqtuq.

## **Kinamulliqqaq Tunilugu**

Tunilugu Utiqtittiyimut uvvaluunniit tikkuqaqhimayainut nunalingnut.

Utiqtittiya ahingaluunniit titkuaqtauhimayuq tuniyauttaqtut uqariiyauti niruagakhaugami unalu qimilruniaqtanga. Pingahunik qanurilingattaqtut:

- Utiqtittiyp angirutigiyanga Uqariiyauti
- Utiqtittiyp angirutiginngitanga Uqariiyauti.
- Utiqtittiyp angiqtanga Uqariiyauti unalu naunaiqhiyuq ihumagiyaugami niruagakhaq niruagakahaulimainmat, kihimi Atanguyaq Niruatuliyiyinit ihumaliurluni.

## **Utiqtittiyp angirumiut uqariiyauti niruagakhaugami**

Utiqtittiyp angiqtaqtanga uqariiyauti niruagakhaugami imaitkumi:

- Naunangimmat niruagakhauni ajunngiinavit.
- Titiqhimattiarangni uqariiyauti niruagakhaugami uvvaluunniit hivuagut umigviup piviqaravit nutaangurlugu.
- Tunigangni hivuagut umigviup.

Utiqtittiyp angirumiut uqariiyauti niruagakhaugami, tuniyauluni niruagakhaq naunaipkutimik uqaqhimayuq niruaghauyunngaravit.

Niruagakhaulutit, tuniyauniaqtutit katihimayunik Nunavunmi Niruaqtuliyiyinit.

Niruagakhamut katihimayunit ilauyut:

- Maliguagaq Niruagakhanut, ilauyut adjikutaangit ikpingnaqtut titiruagait.
- Maliguagaq *Nunavunmi Niruarniq Maligaryuaq*-mut—naittumik.
- Atuqtauyut Niruaqtiit Atinginnut titirvik.
- Angiruti titirviit unalu qanuriliurialit niruagakhap kivgangit niruarvingmit.
- Atiliurvik qauyipkaiyuq katihimayut pigangi.
- Hivayaqtaumaguvit illitturutiit Nunavunmi Niruaqtuliyiyinit ikayuqtut apiqquqaruvit.

## **Utiqtittiyp angirugilimaitpagu uqariiyauti niruagakhaugami**

Utiqtittiyp angirutigilimaitanga uqariiyauti niruagakhaugami aimaitpat:

- uqariiyauti niruagakhaugami titianiqhimainmat uvvaluunniit tuniyaugami umiktillugu,
- Inuk ingmik niruagakhaulirami avaluqtuutiyut nunalingnut, uvvaluunniit
- Inuk niruagakhaulimainmat.

Utiqtittiyp angirutilimaitpagu uqariiyauti niruagakhaugami tamaita titiqhimalainmat, niruagakhaq nutaanguqtaqta, titirlugu uvvaluunniit ahianik uqariyaunmik pilui hivuagut umigivat niruagakhanngurniarluni.



## **Utiqtittiyp angiqtanga uqariiyauti, unalu aullaiyuq naunaiqhiyumik**

Utiqtittiyp ihumagumi inuk niruagakhailimaimmat ahiit pidjutinut, kihimi Atanguyaq Niruaqtuliyiqinut ihumaliuqtakhanga. Pinaqtuq Utiqtittiyp angiramiut uqariiyauti unalu aullaiyuq naunaiqidjutimik uqaqhuni ihimagigamiut niruagakhaulimaimmat. Naunaiqidjuti tuyuqtuangmiyuq Atanguyaq Niruaqtuliyiqinut, qimilruniaqtanga ilitturutingit ihumaliurlunilu.

Ihumaguvit niruaghauyungnaravit, qilamik uqautilugu Atanguyaq Niruaqtuliyiqinut humik pidjutimik— titigakut— unalu tunilugu naunaiqidjutinik ikayuqtumik. Atanguyaq Niruaqtuliyiqinut ihumaliurluni malruuk ublut iluanit umingmat niruagakhanngurumaniq unalul aullailugu naunaiqidjuti pidjutilik ihumalianganik.

## **Uuktuiniq**

Angiqhimalaitkuvit Atanguyaq Niruaqtuliyiqinut ihumalianganit, tukiqtuqtaqtutit apirhuivvingmut 7 ublut iluanit qimilrulugu ihumaliaq. Apirhuiyip tuhaaluniut unalu ihumaliurluni qilamik.

Niruaqtittiniqarluni ilvit niruagakhaublutit ilaulimaillutit, kihiani apirhuivvik ihumaliuruni niruagakhauyungnaravit unlau nutaamik niruaqtittiniqaquyiluni.

## **Angiagiyauyut unalu Mianiqhiniq**

Qauyimayugut tatiqarniit qauyimagavillu uvagut angiyumik aturaptigut qanurliqqaq kamagapta ilingnut ilitturutinik. Tamainnut inungnut timiuyut unaliqqaq Nunavunmi Niruaqtuliyiyitkut pitquyittaqtut inuit tunihilutik ingmingmut ilitturutiinik, uvagullu maligatigut unalu pittauyukkut piyakhagaqahuta piyakhautiqarnikkut aulapkailuta ilitturutinik.

Piyakhariyavut ihuaqtukkut agiarilugit ingmik ilitturutiit ukpiriyaudjutigiyavut.

Ilitturutiit piungnaqtatit Nunavunmi Niruaqtuliyiyitkut angiagiyauyut ataugainut, hivayarluq Atanguyaq Angiagiyauyuliyiqi hamani [privacy@elections.nu.ca](mailto:privacy@elections.nu.ca) uvvaluunniit Nunavunmi Niruaqtuliyiyitkut takugiarvingannuarlutit [elections.nu.ca/privacy](https://elections.nu.ca/privacy).

**Niruagakhap aturniaqtait Niruaqtit Atinginnut Ataugaq:** Niruagakhaq atiliuqtaqtut piniarniuyuuq ikpigilugit niruaqtit atingit, unalu aturlugu niruaqtittinirmut kihimi. Niruagakhaq kinaliqqaq havaktiuyuuq niruagakhauninganut ikpigusugialik atuagarmit. Niruagakhaq piniarniraqtuq utiqtinnarmagit ahivarlugilluunniit tamaita niruaqtit atingit umikpat niruaqtittinirmut ubluit.

## **Tamainnut Inungnut Titigak**

Tamaita uqariiyaut inungnut turaqtut titigak.

Hapkua inungnut turaaqutut titigait unalu qimilruyauttaqtut Aafisinganit Atanguyaq Niruaqtuliyinut kinaliqqaaq tukiqtumut havangnautillugu:

- tamaita unipkaat uvvaluunniit uqaqhimayait pidjutgiblugit niruaqtittiniq, ahiillu titigait havaktinit niruaqtuliriyinit;
- tamaita qanuriuquyait Atanguyaq Niruaqtuliyinut maliguaqhugit *Nunavunmi Niruarniq Maligaryuaq*;
- tamaita ihumaliurutait uvvaluunniit maliktauquyait Atanguyaq Niruaqtuliyinut pidjutiliit maliguaqhugit *Nunavunmi Niruarniq Maligaryuaq*, unalu
- tamaita titigait havaktinit niruaqtuliriyinut uvvaluunniit ahiinit pidjutlik nallialiqqaaq niruaqtittinirmit.

## **Tukhiqturniq piimaluni titiganik**

Kinaliqqaaq inuk tukhiqtuqtaqtuq Atanguyarmit Niruaqtuliyinut piimaluni nalliak titiganik pihimiyait Atanguyaq Niruaqtuliyinut malighugit *Nunavunmi Niruarniq Maligaryuaq* tamainnut inungnut turaangittut titiganik.

## **Niruarnap Ublunga**

Niruarnap ublungamit, niruarviit ukkuinganyut 9 am-mit 7 pm-mut nunaliup tatqiqhiutaagut.

Kihimi niruaqtittinirumut havaktiit atuqtitauttaqtut talafuunik, piksaliurutimik, uqaluutialaanik, uvvaluunniit ahiinit qaritauyanut atuqtauttaqtunik niruarvingnit. Kiniliqqaaq atulimaittuq niruaqtauyumaluni hatqiyaaqturnik niruarvingmit.

## **Niruagakhap Kivganga niruarvingmit**

Tamaita niruagakhait atauhirmut ingmut kivgaqaqtaqtut atauhirmut niruarvingmit, niruagakhaq kihiani niruarvingmiippat. Nalliagluunniit niruagakhaq kivgangaluunniit niruarvingmiittaqtut, kihiani tamainnit pititaulimaittut.

## **Angirami titirvik**

Tamaita niruagakhait kivgangit atiliuqhimajukhauyut angirami titirvingmit. Niruagakhait kivgangit niruarvingmuaqpat tunilugu titirvik utiqtittiyip tungilianut unalu ilummuurluni.

## **Maligait niruaqtillugit**

Niruagakhaq kivgangaluunniit tautuktaqtut qanuriliurmangaata niruaqtillugit. Imailutigli:

- Ikpiguhugvigiinnarlugit ihuihaangillugillu niruaqtiit unalu niruaqtuliyinirmit havaktiit.

- Ilitturutinik pittaqtut niruaqtut mighaanut titigaqmit niruaqtilugit unalu tunidjutigilua.
- AniyaRIAQAQTUT niruarvingmit talafuuqtuqaqpat uvvaluunniit talafuurlutik uvvaluunniit titirlutik kinamulliqqaaq tunilugit ilitturutinik.
- 15 minit hivuagut niruarviit matuirninganit niruarvingmut ajunngittut, qunngiarlugit niruaqtittinirumut havakiit kitittillugit atiliuruhiqturlugillu niruarutiit, qimilrulgillu niruarutiit ahiillu titigait atuqtauyut.
- Apiridjutigilugu niruaqtip kinauninga, niruaqtip atinga niruaqtiit atiiniikkaluaqpat.

## **Kititauningit Niruarutiit**

Niruagakhaq kivgangaluunniit tautuktaqtut Utqitittiyip Tungilinganik kitittillugu niruarutinik. Hapkua maligait maliktakhariyangit:

- Kihimi tautugluni unalu kitittiluni - Utqitittiyip Tungilinga kihimi kamattaqtuq niruarutinik.
- Umigvianut tikilluni niruarvingmiilluni. TalafuuqTAILIGit uvvaluunniit talafuuqtaulutit uvvaluunniit titirviulutit kihiani Utqitittiyip Tungilinga aullaihimaliruni qanurinnuuyut Nunavunmi Niruaqtuliyiyinut.
- Anginngikkuvit Utqitittiyip Tungilinga angirutiqaqtilugulu uvvaluunniit kitittiqataungippat niruarutimik, uqautilugit anginnginnavit. Utqitittiyip Tungilingata titigarluniut anginnginnavit niruaqtit ilitturutiniut titigagvingmut unalu ihumaliurluni angirniarumiuk kitittiqataungiluguluunniit niruaruti. Angiruaqaqtaait ihumalinga kingulliqpaakkuungmat.
- Pilutit Utqitittiyip Tungilinganik adjikutaanganik Titigaq Qanurinniit Niruarvingmit, kitittifaaqhimaliqqata niruarutinik. Titigakmit kaffiit niruarutauyunut tamaita niruagakhanut titqhimayut unalu kaffiit kititaunngittut niruarutiit niruarvingmut.

## **Kinaliqqaaq niruaqtauva niruarnamit**

Utiqtittiyi piumiuk Titigak Qanurinniit Niruarvingmit Utqitittiyip Tungilinginnit unalu Nunavunmi Niruaqtuliyiyit Aafisianit (titiqqiqivvikkut aullaiyauyut kititauqattaqtut). Utiqtittiyi kititirlugit niruarutauyut tamaita niruarvingnit nunalingmit unalu niruarnirumut unipkaaliurluni naunairlugit kaffiit niruarutauyut tamaita niruagakhanut. Utiqtittiyi aullailuni niruagakhamut adjikutaanganit niruarnirmut unipkaamit.

## **Adjigiinik Niruaqtauyut: Niruagakhait adjigiinik niruaqtaukpata**

Malruuk niruagakhat adjigiinik kaffinik niruaqtauyungnaqtut, uvvaluunniit qanigiinik kaffiuningit. Adjigiinginningit 2%-ngukpat tungaanilluunniit kitillugit tamaita niruarutiit, Utiqtittiyi kitittiffaarniaqtuq.

## **Kitittiffaarniq**

Kitittiffaarnirmutqanurinniit atauhiq niruagakhamut qaffiuningit anginiqhaublutik niruarutauyut, niruagakhaq niruaqtauyuuq. Kitittiffaarnirmut qanurinniit adjigiikpata, malruuk atuqtaqtangit Utiqtittiyp:

1. Angiqtauhimaluni niruagakhanut adjigiinik niruaqtauyunut, Utqitittiysi niruarluni niruaqtauniaqtumit amuhinikkut atinganik. Niruagakhait amuyakhauyut atiliurlutik naunaiqhilitik angiqhimagamik.
2. Malruuk niruagakhait angiqhimalaitkumik niruaqtauluni amuhinikkut, Utiqtittiysi tukhiqturniaqtuq Aprihuiyiralaamut kitittiffaaqulugu.

## **Apirhuiyiralaq Kitittiffaaqtuq**

Niruagakhait anginngikkumik niruaqtauyuuq amuyaluni, Apirhuiyiralaq kitittiffaarniaqtuq. Apirhuiyiralaq kitittiffaaqtanganut qanurinniuyut niruagakhaq qaffinut anginiqhamik niruaqtaungmat, niruagakhaq niruaqtauluni. Apirhuiyiralaq kitittiffaaqtangit adjigiikpata, Apirhuiyiralaq niruarluni amuhinikkut.

## **Maligarmik Hiqumittiniq**

*Nunavunmi Niruarniq Maligaryuaq*- maligaitigut adjikutaa. Kinaliqaak hiqumitkumiuk maligainik paqiyaulaqtut paqiyaqarniqqat paqiyaulaqtuq.

Amihuuyut qanuq hiqumilaaqtut maligaunmut. Takulugit hafuminngatut tukiliutaagut ataaniitut. Taiguarlugulu Nunavut Niruaqtinikkut Maligaq maligautainillu malitiaqhimalugit.

<b>Uktuuti Hiqumittinirmut</b>	<b>Haaffuminngatut 1</b>	<b>Haaffuminngatut 2</b>
<b>Niruaqtut ihuitumik</b>	Niruaruvit qinngiyauguvit niruariami.	Hulinniruvit piyukhaunngitutt niruarutnit.
<b>Uqamillinahuarlugi t niruaqtt ihuitumik</b>	Tuniqainahuaruvit maningni, imirnit, havaanut, niqinut, aahiilluuniit.	Niruarvikhaq niruarvingmi.
<b>Ilituqhainingit ihuitumik atuqhimagumik</b>	Ilvit atuqhimayatt niruaqtt ttqqangit ahinit niruarviunngitumi.	Ihuinnaaqhimagungni Niruaqtnikkut Nunavunmi naunaitkutt.

Illumuqtumik uqanngitkumi iqungaliinnaqhutik	Niruaqtauyumaguvit pilaittuublutit.	Niruaqtauyumaguvit amihunit atauhiunngitunik nunalingnit.
--	-------------------------------------	---

## Akiliqtuijjutit

Hiqumittiguvit maligarmik unalu akiliititaublutit, imailutit:

- Akiliilutit ungvatquutihimalaittumik \$5000-nik. UVVALUUNNIIT
- Itiqtaulutit ungvatquutihimalaittumik atauhiq ukiurmit. UVVALUUNNIIT
- Akiliilutit unalu itiqtaulutit.

Unalu, ukiut tallimanut imailuqTAILILUTIT:

- Niruaqtaulutit Haamatkut Katimayiinut.
- Niruaqtaulutit Iiharviit Katimayiinut uvvaluunniit Maligaliuqtimut.
- Havarmut tikkuaqtaulutit kamisinamut, Ministamut uvvaluunniit Nunavunmi Kamatkunnut, uvvaluunniit Haamatkunnut.

Apirhuiyimit qanuriliuquyuttarmiyutit hapkunngat:

- Pidjutiit hiqumitangnut titigarlugit.
- Akiliilutit inuit aanniqtatit higumittinirnut.
- Nunalingmit piyittirautinik havaglutit.

## Kinaliqqaaq Unnirluktaqqa

Kinaliqqaaq unnirlugungnaqtuq, qauyimagumi inungmik hiqumittiyumi maligarmit *Nunavunmi Niruarniq Maligaryuaq*-mit. Unnirluutingit titiqhimalugit unalu paliisinuarlugu 90 ubluit iluanit hiqumittiyuqarngmat. Nunavunmi Niruaqtuliquinuunngittuq uvvaluunniit Atanguyaq Niruaqtuliquinut.

Inungnit unnirluutimut titirvik Nunavunmi Niruaqtuliquiyikkut qaritauyakkut takuyauvvanit hamani [elections.nu.ca/citizen\\_complaint](http://elections.nu.ca/citizen_complaint)

## Kinaliqqaaq Ihivruiniaqqa

Paliisiit ihivruittaqtut. Naunairviginiaqtaatit ihivruiyaugufit, kihiani ihumagutik ihuinaarutauniarmat ihivruiningannut. Paliisiit adjinganik hannginiqatut unalu piyakhautiqaqhutik atuqtautillugu *Nunavunmi Niruarniq Maligaryuaq*- ahiititut Nunavunmi unalu Kanatamit maliganut.

Paliisiit havaqatiqarniaqtut Atanguyaq Niruaqtuliquiyinut unalu Iluittuungayuq Kamisinamit ihuaqhitinniarlugu ihuittuq.

## Maliktauyukhamut angiqatigiiguti

Maliktauyukhamut angiqatigiiguti kaantraaknguyuq Iluittuungayuyq Kamisinamut unalu inungmut hiqumittihimayukhauyuq maligarmit. Atuqtauqattaqtuq inuk hiqumittinirmut akiliititauningat hivuagut.

Iluittuungayuyq Kamisina ihumaliurniaqtuq aayiiqatiglutik maliktauyukhamut angiqatigiigutumik. Ihumakhaqhiuqtaqhutik aayiiqatigiimut ihumaliuriniup:

- Qanurittuuva hiqumittiniq anginingalu.
- Akiliititauniq hiqumittinirmut.
- Tamaita inuit piumayangit.
- Piumayai ihuaqhinirmut.
- Ahiillu pidjutauyut aturumigiyangit.

Aayiiqatigiikpata malitauyukhamut angiqatigiigutumit, Iluittuungayuyq Kamisina naittumik atiliuqtauhimayumik titigainiaqtuq. Tamainut inungnut titigak turaangayuyq.

Inuk atiliurumi malitauyukhamut angiqatigiigutumit, piyakhaqaqtut hiqumittinirmut.

Angirutiaqaqtut hapkununga:

- Maninik akiliiluni atauhirmut ungavatqaumayunulluunniit inungnut.
- Mamialluni tamainnut inungnut unalu inungnut aktuqtauhimayunut.
- Inuit Qaujimajatuqangit / IQ aturlugit (pitquhitkut Inuit qauyimaningit) hiqumittiniq ihuaqhiniarlugu.
- Nunalingmit piyittirautinik havayaqarluni.
- Angiqhimaluni qanuriliurniarlu uvvaluunniit qanuriliurniangilluni ilainit qanuriliurnirnit.

Angiqatigiiguti malinngikkungni:

- Akiliititauyukhauyututit unalu apirhuivingmuaqtaulutit.
- NiruagakhauLIMAITTUTIT tallimat (5) ukiunut.
- Apirhuivikkut akiliititaulutit unalu akiliititaulutit.

Maliguaruning angiqatigiiguti, akiligakhaqtaaqtitaulimaittutit, unalu titigakhimalaittut ilvit piyatit.

Kamisina tamainnut inungnut unipkaliurniaqtuq inuk maliguaqhimangmangaat angiqatigiigutumit unaluunniit malikhimaimmangaat.

## **Niruagakhap Naunaiyautingit**

### **Hivuagut niruaqtittinirmut ubluit**

- ✓ Hivayarlugu havagvigiyait qauyiniarlutit maliganginnit uvvaluunniit atuaganginnik maliguaqtakhangnit niruagakhauniarlutit – havagvingmit nutqaumaniarlutit niruatittinirmut ublunginnit.
- ✓ Adjikutaanginnik pilutit *Nunavunmi Niruarniq Maligaryuaq*- unalu uqalimaarlugit tukihilugillu. Qauyimalugit qanuriliuriaqaqtatit maliguarlugit maligait.

- ✓ Utiqtittiyimit piimalutit uqariiyauti niruagakhangkurmagavit, uvvaluunniit pilugu Nunavunmi Niruaqtuliyikkut qaritaujakkut takuyaugiaviani: [www.elections.nu.ca](http://www.elections.nu.ca)

## **Niruaqtittinirmut Ubluit – Niruarnap Ubluanut**

- ✓ Titirlugu tamaita uqariiyauti niruagakhauniaravit. Titirvigittiarlugu unalu ilaulugit tamaita ilitturutiit iluanit titirviup.
- ✓ Tunilugu uqariiyauti niruagakhaugavit hivuanit umigviup.
- ✓ Ilaulut Nunavunmi Niruaqtuliyikkut talafuukkat katimaninginnit, ilitturutiit niruagakhanut.
- ✓ Havayarlugit nunalingmit kavamakkat ahiillu nunalingmit aulapkaiyit qauyiniarlutik niruagakhait mighaanut naunaipkutanik ilihiniarluni.
- ✓ Titirlutit Atanguyaq Niruaqtuliyikkut niruaqtit atiinik ahidjiyumaguvit. Qauyitillugu ilivit mighaanut, naunairlutit hunanik ahidjiquyangnit, naunaiqidjutinigli tunilugu.
- ✓ Naunairlugu qangakkut hangupqaqtukkat niruarniq, pigungni Utiqtittiyimit.
- ✓ Naunairlugit niruaruaqturviit nunalingnit, Utiqtittiyip uqautikpaatit.
- ✓ Naunairlugu nunalingmit niruaruaqtut Niruarnap Ublunganit.
- ✓ Niruagakhaugavit kivgaqtuqtimit pilutit niruarvingmiinniaqtumit Niruarnap Ublunganit.
- ✓ Titirlugit atiliurlugillu angiqhimanirmut titirviit kivgait niruarvingmuarniarluni Niruarnap Ublunganit. Kivgait piqariaqaqtut ingmik angiramik titirvingmit.
- ✓ Kivgaqtuqtigiyait apirilugu niruarvingmiilugit Utiqtittiyip Tungilinga kitittillugu niruarutinik Niruarnap Ublunganit.

## **Niruanap Ublunga**

- ✓ Niruarlutit—niruaqhimangikkuvit.
- ✓ Niruagakhaunirmut atuqtauyunik niruarvingmit pitaqalaittut qauyimalutit – nunamit, igluryuarmit, uvvaluunniit inuit atuqtanginnit.
- ✓ Kivgatuqti apirilugu adjikutaangani piluni Titigak Qanurinniit Niruarvingmit Utiqtittiyip Tungilinganit.

## **Kinguagut Niruanap Ublunganit**

- ✓ Tamaita niruagakhaunirmut atuqtut piirlugit 10 ubluit iluanit kinguagut Niruarnap Ubluanit.
- ✓ Niruagakhaunirmut havaktiit ahiruitillugit uvvaluunniit utiqtillugit tamaita niruaqtiit atingit – titiqhimayut unalu qaritauyakkut pihimayut.